

Ké ê Kàusu

4 M̄ koh, Sènglêng chin bêngkhak kóng, tī jítâu, ũ lâng ē khìsak sòngióng, ài hiahê bêhék lâng ê siálêng kah Mòkúí ê kàsī. 2 Chiahê kàsī sī chhut tī kóng pèhchhát ê lâng ê gūisiān; in ê liōngsim chhinchhiūⁿ hō siojiát ê thih theng siong. 3 In kìmchí kèchhōa, koh kìmchí chítkóa chiáhmih; chiahê chiáhmih goānpún sī SiōngChú só chhòngchō, beh hō sìn Chú koh liáukái chinlí ê lâng ēng kámsiā ê sim lâi niásiū ê. 4 Inūi SiōngChú só chhòngchō ê itchhè lóng sī hó ê, nā ēng kámsiā ê sim lâi niásiū, tòh bô chit hāng sī kìmkhī. 5 Sōū ê chiáhmih, thongkòe SiōngChú ê òe kah lâng ê kító, tòh chiáⁿchò sèngkiat.

Kitok Iésu ê Hó Chipsū

6 Lí nā thêchhéⁿ hiaⁿtī chímōe chiahê tāichì, lí tòh ē chiáⁿchò Kitok Iésu ê hó chipsū, koh ē tàng tùí lí só sìn ê tōlí kah lí só chunhêng ê hó kàsī lâi tit tiòh pòeióng. 7 Tiòh khìsak chhòsiók ê òe kah bô iáⁿ bô chiahê thoāsoat. Ūi tiòh beh ũ kèngkhiān ê sengoáh, lí tiòh kèsiók chhauhiān kakī. 8 Chhauhiān sengkhu chíū tāmphó^á līek; m̄ koh, chhauhiān kèngkhiān khiok tùí tàk hāng lóng ũ līek, inūi ē tàng tit tiòh kimseng kah láisè ê èngún. 9 Chit kù òe sī khókhò ê, tàttit lán oānchoān chiapsiū. 10 Ūi tiòh chitê bóktek, lán lôkhó phahpiàⁿ, inūi lán ê òngbāng chāi tī éngseng ê SiōngChú, I sī jīnlūi ê KiùChú, tékpiát sī sìn I ê lâng ê KiùChú.

11 Lí tiòh bēnglêng kah kàsī in chiahê tāichì. 12 M̄ thang hō jīmhô lâng inūi lí iáu siàuliān, soah kā lí khòⁿkhin, khiok tiòh tī kóngōe, kiáⁿtáh, thiáⁿsim, sìnsim kah sùnkiat tàk hongbīn, lóng chò sìnô^ê ê bōhoān. 13 Lí tiòh tī soanthók kengtián, khoānbián kah kàsī sìnô^ê, titkàu góa lâi. 14 M̄ thang hutliók lí só niásiū ê siók lêng insù, he sī thongkòe tāigiānjīn ê òe kah cheng tiúⁿlò^ê hōaⁿchiú sù hō lí ê. 15 Lí tiòh inkhīn phahpiàⁿ, choānsim choānì khi chò chiahê tāichì, thang hō chēngláng khòⁿ chhut lí ê chìnphō. 16 Lí tiòh chùi kakī ê kiáⁿtáh kah

假 ê 教師

4 M̄ koh, 聖靈真明確講：Tī 日後，有人 ē 棄 sak 信仰，意愛 hiahê 迷惑人 ê 邪靈 kah 魔鬼 ê 教示。2 Chiahê 教示是出 tī 講白賊 ê 人 ê 偽善；in ê 良心親像 hō 燒熱 ê 鐵燙傷。3 In 禁止嫁娶，koh 禁止一 kóa 食物；chiahê 食物原本是上主所創造，beh hō 信主 koh 了解真理 ê 人用感謝 ê 心來領受 ê。4 因為上主所創造 ê 一切 lóng 是好 ê，若用感謝 ê 心來領受，tòh 無一項是禁忌。5 所有 ê 食物，通過上主 ê 話 kah 人 ê 祈禱，tòh 成做聖潔。

基督耶穌 ê 好執事

6 你若提醒兄弟姊妹 chiahê tāichì，你 tòh ē 成做基督耶穌 ê 好執事，koh ē tàng tùí 你所信 ê 道理 kah 你所遵行 ê 好教示來得 tiòh 培養。7 Tiòh 棄 sak 粗俗 ê 話 kah 無影無跡 ê 傳說。為 tiòh beh 有敬虔 ê 生活，你 tiòh 繼續操練 kakī。8 操練身軀只有淡薄 á 利益；m̄ koh，操練敬虔卻對 tàk 項 lóng 有利益，因為 ē tàng 得 tiòh 今生 kah 來世 ê 應允。9 Chit 句話是可靠 ê，值得咱完全接受。10 為 tiòh chitê 目的，咱勞苦 phah 拚，因為咱 ê òng 望在 tī 永生 ê 上主，祂是人類 ê 救主，特別是信祂 ê 人 ê 救主。

11 你 tiòh 命令 kah 教示 in chiahê tāichì。12 M̄ thang hō 任何人因為你 iáu 少年，soah kā 你看輕，卻 tiòh tī 講話、行踏、疼心、信心 kah 純潔 tàk 方面，lóng 做信徒 ê 模範。13 你 tiòh 致意宣讀經典、勸勉 kah 教示信徒，直到我來。14 M̄ thang 忽略你所領受 ê 屬靈恩賜，he 是通過代言人 ê 話 kah 眾長老 ê hōaⁿ 手賜 hō 你 ê。15 你 tiòh 殷勤 phah 拚，全心全意去做 chiahê tāichì，thang hō 眾人看出你 ê 進步。16 你 tiòh 注意 kakī ê 行踏 kah 你 ê 教示，mā tiòh 堅持做

lí ê kàsī, mā tiòh kianchhî chò chiahê tāichì, inūi
ánne chò, lí m̄nā ē kiù lí kakī, mā ē kiù hiahê thiaⁿ lí
kàsī ê lāng.

chiahê tāichì, 因為 ánne 做, 你 m̄nā ē 救你
kakī, mā ē 救 hiahê 聽你教示 ê 人。